

<https://www.sarajevo.ba/bs/article/13946/dogradonacelnik-avdic-sarajevske-cesme-su-nas-zastitni-znak>, accessed 13.11.23

Deputy Mayor of Sarajevo Avdic: Sarajevo's water fountains are our brand



23 Oct, 2023

Danas je održana Konferencija „Sarajevo grad hiljadu česmi – oživljavanje tradicije korištenja česmi“, koju je organiziralo Udruženje „Savjet za zelenu izgradnju“/Green Council uz podršku Fondacije Herman Heinrich Boll.

Obraćajući se učesnicima Konferencije, zamjenik gradonačelnice Sarajeva Samir Avdić je istakao:

„Sarajevske česme svjedoče o ovdašnjoj tradiciji i predstavljaju značajan spomenik u kulturnoj baštini Bosne i Hercegovine. One su naš važan simbol, duboko ukorijenjen u tkivo ovog grada i u živote njegovih stanovnika. Zato ih moramo čuvati i održavati, ali i graditi nove”.

Kazao je da je Grad Sarajevo osigurao funkcionisanje i očuvanje više od 40 javnih česmi kojima danas i upravlja.

Mnoge zaboravljene su oživjele, postale prepoznatljive, naš zaštitni znak, koje također obogaćuju turističku ponudu Sarajeva i, u konačnici, potvrđuju da je ovo grad pitke vode.

Dogradonačelnik Avdić je izrazio uvjerenje da će današnja konferencija biti inspirativna platforma da zajedno razmotrimo važnost očuvanja vodnih resursa i okoliša, promoviramo odgovorno upravljanje vodom i nastavimo graditi ljepši, zdraviji i održiviji grad.